一、关于墓志

唐昭容上官氏墓志一合,青石质,正方形。2013年出土。志主为唐代著名文学家、政治家上官婉儿。

志盖盝顶,高 75、广 73、厚 12.5 厘 米。顶面正中阴刻篆书"大唐故昭容上官氏 铭",三行, 行三字。

志石高、广皆 74、厚 15.5 厘米。划细线棋格,阴刻正书 32 行,满行 33 字,共计 982字。

二、志盖图版


唐昭容上官氏墓志盖



唐昭容上官氏墓志盖

三、墓志图版

唐昭容上官氏墓志



唐昭容上官氏墓志

四、墓志录文

夫道之妙者, 乾坤得之而为形质;气之精者, 造化取之而为识用。挻埴陶铸, 合散消息, 不可备之于人。备之于人矣,则光前绝后,千载其一。

婕妤姓上官, 陇西上邽人也,其先高阳氏之后,子为楚上官大夫,因生得姓之相继;女为 汉昭帝皇后,富贵勋庸之不绝。曾祖弘,隨(隋)藤(滕)王府记室参军、襄州总管府属、华州 长史、会稽郡赞持、尚书比部郎中,与榖城公吐万绪平江南,授通议大夫。学备五车,文穷三 变。曳裾入侍,载清长坂之衣冠;仗剑出征,一扫平江之氛祲。

祖仪,皇朝晋府参军、东阁祭酒、弘文馆学士、给事中、太子洗马、中书舍人、秘书少监、银青光禄大夫、行中书侍郎、同中书门下三品,赠中书令、秦州都督、上柱国、楚国公、食邑三千户。波涛海运,崖岸山高;为木则揉作良弓,为铁则砺成利剑;采摭殚于糟粕,一令典籍困穷;错综极于烟霞,载使文章全盛。至于跨蹑簪笏,谋猷庙堂,以石投水而高视,以梅和羹而独步,官寮府佐,问望相趋,麟阁龙楼,辉光递袭,富不期侈,贵不易交。生有令名,天书满于华屋;没有遗爱,玺诰及于穷泉。

父庭芝, 左千牛、周王府属, 人物本源, 士流冠冕。宸极以侍奉为重, 道在腹心; 王庭以 吐纳为先,事资喉舌。落落万寻之树, 方振国风; 昂昂千里之驹, 始光人望。属楚国公数奇运 否, 解印褰裳, 近辞金阙之前, 远窜石门之外, 并从流迸, 同以忧卒。赠黄门侍郎、天水郡开 国公、食邑三千户。访以荒陬, 无复藤城之榇; 藏之秘府, 空余竹简之书。

婕妤懿淑天资,贤明神助。诗书为苑囿,捃拾得其菁华;翰墨为机杼,组织成其锦绣。年十三为才人,该通备于龙蛇,应卒逾于星火。先皇拨乱反正,除旧布新,救人疾苦,绍天明命。神龙元年,册为昭容。以韦氏侮弄国权,摇动皇极。贼臣递构,欲立爱女为储,爱女潜谋,欲以贼党为臣。昭容泣血极谏,扣心竭诚,乞降纶言,将除蔓草。先帝自存宽厚,为掩瑕疵,昭容觉事不行,计无所出。上之,请擿伏而理,言且莫从;中之,请辞位而退,制未之许;次之,请落发而出,卒为挫衂;下之,请饮鸩而死,几至颠坠。

先帝惜其才用, 慜以坚贞,广求入腠之医,纔救悬丝之命,屡移朏魄,始就痊平。表请退为婕妤,再三方许。暨宫车晏驾,土宇衔哀。政出后宫,思屠害黎庶;事连外戚,欲倾覆宗 社。皇太子冲规参圣,上智伐谋,既先天不违,亦后天斯应,拯皇基于倾覆,安帝道于艰虞。 昭容居危以安,处险以泰。且陪清禁,委运于乾坤之间;遽冒铦锋,亡身于仓卒之际。时春秋四十七。皇鉴昭临,圣慈轸悼,爰造制命,礼葬赠官。太平公主哀伤,赙赠绢五百匹,遣使吊祭,词旨绸缪。以大唐景云元年八月二十四日,窆于雍州咸阳县茂道乡洪渎原,礼也。龟龙八卦,与红颜而并销;金石五声,随白骨而俱葬。其词曰:

巨阀鸿勋,长源远系,冠冕交袭,公侯相继。 爰诞贤明,是光锋锐,宫闱以得,若合符契。【其一】

潇湘水断,宛委山倾,珠沉圆折,玉碎连城。 甫瞻松槚,静听坟茔,千年万岁,椒花颂声。【其二】

五、参考文献

张说:《上官昭容碑铭》

李明、耿庆刚:《唐昭容上官氏墓志》笺释——兼谈唐昭容上官氏墓相关问题,考古与文物,

2013,(06)